

Y Gwir Anrhydeddus Greg Clark AS
Yr Ysgrifennydd Gwladol dros Ffyniant Bro, Tai a
Chymunedau

20 Gorffennaf 2022

Annwyl Greg

Cysylltiadau rhynglywodraethol: cynigion ar gyfer Biliau'r DU i ddeddfu mewn meysydd datganoledig

Fel y gwyddoch, daeth Llywodraeth y DU a'r llywodraethau datganoledig i gytundeb ar ganlyniad yr Adolygiad o Gysylltiadau Rhynglywodraethol yn gynharach eleni.

Roeddem yn croesawu'r canlyniad fel cam cadarnhaol ymlaen, gan y byddai'n debygol o arwain at fwy o gydweithredu rhwng llywodraethau. Fe wnaethom ni hefyd nodi **gohebiaeth** gan y Gwir Anrhydeddus Michael Gove AS, y cyn Ysgrifennydd Gwladol dros Ffyniant Bro, Tai a Chymunedau a'r Gweinidog dros Gysylltiadau Rhynglywodraethol, a soniodd am y trefniadau rhynglywodraethol newydd sy'n cychwyn cyfnod newydd ar gyfer cydweithio rhwng y DU a'r llywodraethau datganoledig ac 'uchelgais Llywodraeth y DU i weithio gyda'r llywodraethau datganoledig yn gynharach o lawer' lle mae materion yn ymwneud â chydsyniad deddfwriaethol.

Rydym yn derbyn y bydd yn cymryd amser i'r trefniadau newydd ymsefydlu ac yn nodi bod cynnydd eisoes yn cael ei wneud, gyda phwyllgorau rhyngweinidogol amrywiol wedi'u sefydlu a chyfarfodydd eisoes wedi'u cynnal.

Serch hynny, rydym yn ymwybodol o bryderon ynghylch cydweithredu ar Filiau Llywodraeth y DU sy'n gwneud darpariaeth mewn meysydd datganoledig. Ar 17 Mehefin, **ysgrifennodd** y Cwnsler Cyffredinol atom gan ddweud, mewn rhai achosion, nad yw Llywodraeth bresennol y DU yn rhannu unrhyw wybodaeth am Filiau cyn eu cyflwyno. Mae gohebiaeth gan Weinidogion Cymru y gwnaethom ei thrafod yn ein cyfarfod ar 4 Gorffennaf yn cadarnhau bod hyn yn wir yn achos nifer o Filiau Llywodraeth y DU, gan gynnwys y **Bil Rheoleiddio Tai Cymdeithasol**, **Bil Protocol Gogledd**



Iwerddon, y **Bil Technolegau Genetig (Bridio Manwl)**, a'r **Bil Hawliau**. Ar ben hynny, fe wnaeth **datganiad ysgrifenedig** gan Lywodraeth Cymru dynnu sylw hefyd at bryderon yn ymwneud â Bil ar gyfraith yr UE a ddargedwir.

Mae'n siomedig darllen yr ohebiaeth hon, a'r datganiad ysgrifenedig, ac maent yn awgrymu dechrau llai na boddhaol i'r dull rhynglywodraethol newydd mewn rhai meysydd.

Byddem yn ddiolchgar felly pe gallech esbonio sut y bydd Llywodraeth y DU yn ceisio sicrhau nad yw hyn yn parhau i ddigwydd mewn perthynas ag unrhyw Filiau Llywodraeth y DU yn y dyfodol sy'n gwneud darpariaeth mewn meysydd datganoledig, ac a fydddech yn ymrwmo i dynnu ein pryderon at sylw adrannau Llywodraeth y DU.

Byddai hefyd yn ddefnyddiol i ni ddeall pa brosesau sy'n cael eu dilyn pan fydd Llywodraeth y DU yn penderfynu deddfu mewn maes datganoledig, gan gynnwys:

- ar ba gam yn y broses y mae'n ofynnol i adrannau Llywodraeth y DU gychwyn trafodaethau â Llywodraeth Cymru;
- y wybodaeth amserlennu a ddarperir i helpu Llywodraeth Cymru i ystyried y cynigion, gan gynnwys drafftiau deddfwriaethol terfynol; ac
- ar ba bwynt yn y broses y mae Llywodraeth Cymru yn ymwneud â pharatoi gwelliannau'r llywodraeth a'r cyfnod hysbysu a roddir cyn cyflwyno gwelliannau.

Byddwn yn ddiolchgar pe bai modd cael ymateb erbyn 5 Medi 2022.

Rwy'n anfon copi o'r llythyr hwn at Ysgrifennydd Gwladol Cymru, y Tâl-feistr Cyffredinol a Gweinidog Swyddfa'r Cabinet, Prif Weinidog Cymru a'r Cwnsler Cyffredinol a Gweinidog y Cyfansoddiad yn Llywodraeth Cymru.

Rwyf hefyd yn dod â hyn at sylw Pwyllgorau seneddol eraill yng ngwledydd eraill y Deyrnas Unedig.

Yn gywir,

Huw Irranca-Davies

Huw Irranca-Davies
Cadeirydd